



**განმცხადებელი (დაინტერესებული პირი)**

ქალაქ თბილისის მუნიციპალიტეტის მერია  
მისამართი: შარტავას ქ. 7ა  
საკონტაქტო ინფორმაცია: (+995 32) 2 72 22 22;  
განცხადების N: 01-01260541043 განცხადების თარიღი: 23.02.2026  
ხელმოწერი: კახა კალაძე თანამდებობა: მერი

**განცხადება/რომენკლატურა**

ქალაქ თბილისის მუნიციპალიტეტის საკრებულო  
თავისუფალი განცხადება

**მოთხოვნის ტექსტი**

54-30 და 28-96 დადგენილებებში შესატანი ცვლილებების პროექტები.

**დამატებითი ინფორმაცია**

- ფურცლების რაოდენობა: 0
- დანართი: -
- პასუხის გაცემის ფორმა:



# ქალაქ თბილისის მუნიციპალიტეტის მერი



წერილის ნომერი: **01-01260541043**  
თარიღი: **23/02/2026**

ადრესატი: ქალაქ თბილისის მუნიციპალიტეტის საკრებულო  
მისამართი: თავისუფლების მოედანი N2

## ქალაქ თბილისის მუნიციპალიტეტის საკრებულოს თავმჯდომარეს ბატონ ზურაბ აბაშიძეს

### ბატონო ზურაბ,

„ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის საკრებულოს 2014 წლის 19 ივლისის N2-1 დადგენილებით დამტკიცებული რეგლამენტის 67-ე მუხლის პირველი პუნქტის „ა“ ქვეპუნქტის საფუძველზე, ქალაქ თბილისის მუნიციპალიტეტის საკრებულოს სსდომაზე განსახილველად წარმოგიდგინებ“

ა) „ქალაქ თბილისის მუნიციპალიტეტის მერიის მუნიციპალური ინსპექციის დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 15 აპრილის № 54-30 დადგენილებაში ცვლილებების შეტანის შესახებ, ქალაქ თბილისის მუნიციპალიტეტის საკრებულოს დადგენილების პროექტს.

ბ) „ქალაქ თბილისის მუნიციპალიტეტის მერიის მუნიციპალური ინსპექციის ცალკეულ ადმინისტრაციულ სამართალდარღვევათა საქმისწარმოებისათვის დოკუმენტების ფორმების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 25 სექტემბრის № 28-96 დადგენილებაში ცვლილებების შეტანის შესახებ, ქალაქ თბილისის მუნიციპალიტეტის საკრებულოს დადგენილების პროექტს.

დანართი: 10 (ათი) ფურცელი.

### პატივისცემით,

კახა კალაძე

ქალაქ თბილისის მუნიციპალიტეტის მერი

გამოყენებულია კვალიფიცირირებული  
ელექტრონული ხელმოწერა/  
ელექტრონული შტამპი



ქალაქ თბილისის მუნიციპალიტეტის საკრებულოს

დადგენილება №----

2026 წლის ----

**„ქალაქ თბილისის მუნიციპალიტეტის მერიის მუნიციპალურ ინსპექციაში ცალკეულ ადმინისტრაციულ სამართალდარღვევათა საქმისწარმოებისათვის დოკუმენტების ფორმების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 25 სექტემბრის №28-96 დადგენილებაში ცვლილების შეტანის შესახებ**

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მე-2 პუნქტის და „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის საფუძველზე, ქალაქ თბილისის მუნიციპალიტეტის საკრებულო ადგენს:

**მუხლის 1.**

შეტანილ იქნეს ცვლილება „ქალაქ თბილისის მუნიციპალიტეტის მერიის მუნიციპალურ ინსპექციაში ცალკეულ ადმინისტრაციულ სამართალდარღვევათა საქმისწარმოებისათვის დოკუმენტების ფორმების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 25 სექტემბრის №28-96 დადგენილებაში (შემდგომში - დადგენილება) (ვებ-გვერდი: [www.matsne.gov.ge](http://www.matsne.gov.ge) 26.09.2018, სარეგისტრაციო კოდი: 010250050.35.101.016547) და:

**1. დადგენილების:**

**ა) პრეამბულა ჩამოყალიბდეს შემდეგი რედაქციით:**

„საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ზ“ ქვეპუნქტის, 61-ე მუხლის მე-2 პუნქტის, 64-ე მუხლის „ა“ პუნქტისა და 68-ე მუხლის პირველი პუნქტის „კ“ და „ლ“ ქვეპუნქტების, საქართველოს ადმინისტრაციულ სამართალდარღვევათა კოდექსის 55<sup>5</sup> მუხლის, 77<sup>1</sup> მუხლის, 82<sup>5</sup> მუხლის, 146<sup>1</sup> მუხლის, 150<sup>2</sup> მუხლის, 150<sup>3</sup> მუხლის, 151<sup>1</sup> მუხლის, 152<sup>3</sup> მუხლის, 152<sup>5</sup> -152<sup>9</sup> მუხლების, 153<sup>6</sup> მუხლის პირველი, მე-3 და მე-4 ნაწილების, 153<sup>9</sup> მუხლის, 156<sup>2</sup> მუხლის, 156<sup>4</sup> მუხლის, 158<sup>3</sup> მუხლის, 158<sup>4</sup> მუხლის, 158<sup>5</sup> მუხლის პირველი და მე-2 ნაწილების, 166<sup>2</sup> მუხლის პირველი ნაწილით, 209<sup>3</sup> მუხლის პირველი, მე-3 და მე-4 ნაწილების, 234<sup>1</sup> მუხლის, 239-ე მუხლის 27-ე ნაწილის, 240-ე მუხლის, 242-ე მუხლის 3<sup>1</sup> ნაწილის, 243-ე მუხლის 2<sup>1</sup> ნაწილის, 268-ე მუხლის მე-7 ნაწილის, 270-ე მუხლის მე-2 ნაწილის, 272-ე მუხლის მე-2 ნაწილის, 273-ე მუხლის, ნარჩენების მართვის კოდექსის 47-ე მუხლის პირველი, მე-8, მე-12-მე-15 ნაწილების, „მკაცრი აღრიცხვის ფორმების შესახებ“ საქართველოს კანონის მე-8 მუხლის პირველი პუნქტის და „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტის შესაბამისად, ქალაქ თბილისის მუნიციპალიტეტის საკრებულო ადგენს:“;

**ბ) პირველი მუხლი ჩამოყალიბდეს შემდეგი რედაქციით:**

**„მუხლი 1.**

საქართველოს ადმინისტრაციულ სამართალდარღვევათა კოდექსის 55<sup>5</sup> მუხლით, 77<sup>1</sup> მუხლით, 82<sup>5</sup> მუხლით, 146<sup>1</sup> მუხლით, 150<sup>2</sup> მუხლით, 150<sup>3</sup> მუხლით, 151<sup>1</sup> მუხლით, 152<sup>3</sup> მუხლით, 152<sup>5</sup>-152<sup>9</sup> მუხლებით 153<sup>6</sup> მუხლის პირველი, მე-3 და მე-4 ნაწილებით, 153<sup>9</sup> მუხლით, 156<sup>2</sup> მუხლით, 156<sup>4</sup> მუხლით, 158<sup>3</sup> მუხლით, 158<sup>4</sup> მუხლით, 158<sup>5</sup> მუხლის პირველი და მე-2 ნაწილებით, 166<sup>2</sup> მუხლის პირველი ნაწილით, ნარჩენების მართვის კოდექსის 31-ე-35-ე მუხლებით, 36-ე მუხლის პირველი და მე-2 ნაწილებით, 39-ე მუხლით, 43-ე მუხლის პირველი ნაწილითა და 46-ე მუხლით გათვალისწინებულ სამართალდარღვევებზე საჯარიმო ქვითრის – ადმინისტრაციული სამართალდარღვევის ოქმის შედგენაზე უფლებამოსილნი არიან ქალაქ თბილისის მუნიციპალიტეტის მერიის მუნიციპალური ინსპექციის (შემდგომში – ინსპექცია) დებულებით განსაზღვრული შესაბამისი სტრუქტურული ქვედანაყოფის საჯარო მოხელეები (შემდგომში – საჯარო მოხელე).“;

**გ) მე-2 მუხლის „ა“ ქვეპუნქტი ჩამოყალიბდეს შემდეგი რედაქციით:**

„ა) საქართველოს ადმინისტრაციულ სამართალდარღვევათა კოდექსის 55<sup>5</sup> მუხლით, 77<sup>1</sup> მუხლით, 82<sup>5</sup> მუხლით, 146<sup>1</sup> მუხლით, 150<sup>2</sup> მუხლით, 150<sup>3</sup> მუხლით, 151<sup>1</sup> მუხლით, 152<sup>3</sup> მუხლით, 152<sup>5</sup>-152<sup>9</sup> მუხლებით, 153<sup>6</sup> მუხლის პირველი, მე-3 და მე-4 ნაწილებით, 153<sup>9</sup> მუხლით, 156<sup>2</sup> მუხლით, 156<sup>4</sup> მუხლით, 158<sup>3</sup> მუხლით, 158<sup>4</sup> მუხლის, 158<sup>5</sup> მუხლის პირველი და მე-2 ნაწილების, 166<sup>2</sup> მუხლის პირველი ნაწილით, ნარჩენების მართვის კოდექსის 31-ე-35-ე მუხლებით, 36-ე მუხლის პირველი და მე-2 ნაწილებით, 39-ე მუხლით, 43-ე მუხლის პირველი ნაწილითა და 46-ე მუხლით გათვალისწინებული სამართალდარღვევებისას საჯარიმო ქვითრის – ადმინისტრაციული სამართალდარღვევის ოქმის ფორმის, მისი შევსების, ჩაბარების, წარმოებისა და აღრიცხვა-ანგარიშგების წესი (დანართის №1);“;

**2. დადგენილებით დამტკიცებული წესის:**

**ა) სათაური ჩამოყალიბდეს შემდეგი რედაქციით:**

„საქართველოს ადმინისტრაციულ სამართალდარღვევათა კოდექსის 55<sup>5</sup> მუხლით, 77<sup>1</sup> მუხლით, 82<sup>5</sup> მუხლით, 146<sup>1</sup> მუხლით, 150<sup>2</sup> მუხლით, 150<sup>3</sup> მუხლით, 151<sup>1</sup> მუხლით, 152<sup>3</sup> მუხლით, 152<sup>5</sup>-152<sup>9</sup> მუხლებით, 153<sup>6</sup> მუხლის პირველი, მე-3 და მე-4 ნაწილებით, 153<sup>9</sup> მუხლით, 156<sup>2</sup> მუხლით, 156<sup>4</sup> მუხლით, 158<sup>3</sup> მუხლით, 158<sup>4</sup> მუხლით, 158<sup>5</sup> მუხლის პირველი და მე-2 ნაწილებით, 166<sup>2</sup> მუხლის პირველი ნაწილით, ნარჩენების მართვის კოდექსის 31-ე-35-ე მუხლებით, 36-ე მუხლის პირველი და მე-2 ნაწილებით, 39-ე მუხლით, 43-ე მუხლის პირველი ნაწილითა და 46-ე მუხლით გათვალისწინებული სამართალდარღვევებისას საჯარიმო ქვითრის – ადმინისტრაციული სამართალდარღვევის ოქმის ფორმის, მისი შევსების, ჩაბარების, წარმოებისა და აღრიცხვა-ანგარიშგების წესი“ ;

**ბ) მე-3 მუხლის პირველი და მე-2 პუნქტები ჩამოყალიბდეს შემდეგი რედაქციით:**

„1. საჯარო მოხელე, სამსახურებრივი უფლებამოსილების განხორციელებისას საქართველოს ადმინისტრაციულ სამართალდარღვევათა კოდექსის 55<sup>5</sup> მუხლით, 77<sup>1</sup> მუხლით, 82<sup>5</sup> მუხლით,

146<sup>1</sup> მუხლით, 150<sup>2</sup> მუხლით, 150<sup>3</sup> მუხლით, 151<sup>1</sup> მუხლით, 152<sup>3</sup> მუხლით, 152<sup>5</sup> -152<sup>9</sup> მუხლებით, 153<sup>6</sup> მუხლის პირველი, მე-3 და მე-4 ნაწილებით, 153<sup>9</sup> მუხლით, 156<sup>2</sup> მუხლით, 156<sup>4</sup> მუხლით, 158<sup>3</sup> მუხლით, 158<sup>4</sup> მუხლით, 158<sup>5</sup> მუხლის პირველი და მე-2 ნაწილებით, 166<sup>2</sup> მუხლის პირველი ნაწილით, ნარჩენების მართვის კოდექსის 31-ე-35-ე მუხლებით, 36-ე მუხლის პირველი და მე-2 ნაწილებით, 39-ე მუხლით, 43-ე მუხლის პირველი ნაწილითა და 46-ე მუხლით გათვალისწინებულ ადმინისტრაციულ სამართალდარღვევათა გამოვლენის მიზნით, უფლებამოსილია კალენდარული წლის განმავლობაში, ნებისმიერ დროს, შეუზღუდავად განახორციელოს შემოწმება.

2. საჯარო მოხელე საჯარიმო ქვითარს – ადმინისტრაციული სამართალდარღვევის ოქმს ავსებს საქართველოს ადმინისტრაციულ სამართალდარღვევათა კოდექსის 55<sup>5</sup> მუხლით, 77<sup>1</sup> მუხლით, 82<sup>5</sup> მუხლით, 146<sup>1</sup> მუხლით, 150<sup>2</sup> მუხლით, 150<sup>3</sup> მუხლით, 151<sup>1</sup> მუხლით, 152<sup>3</sup> მუხლით, 152<sup>5</sup>-152<sup>9</sup> მუხლებით, 153<sup>6</sup> მუხლის პირველი, მე-3 და მე-4 ნაწილებით, 153<sup>9</sup> მუხლით, 156<sup>2</sup> მუხლით, 156<sup>4</sup> მუხლით, 158<sup>3</sup> მუხლით, 158<sup>4</sup> მუხლით, 158<sup>5</sup> მუხლის პირველი და მე-2 ნაწილებით, 166<sup>2</sup> მუხლის პირველი ნაწილით, ნარჩენების მართვის კოდექსის 31-ე-35-ე მუხლებით, 36-ე მუხლის პირველი და მე-2 ნაწილებით, 39-ე მუხლით, 43-ე მუხლის პირველი ნაწილითა და 46-ე მუხლით. აღნიშნული მუხლებით გათვალისწინებულ შემთხვევებში, თუ სამართალდამრღვევს არ აქვს პიროვნების დამადასტურებელი საბუთები და არ არიან მოწმეები, რომლებსაც შეუძლიათ მიაწოდონ საჭირო ცნობები მის შესახებ, საჯარიმო ქვითარის – ადმინისტრაციული სამართალდარღვევის ოქმის შემგნებმა საჯარო მოხელემ, საქართველოს ადმინისტრაციულ სამართალდარღვევათა კოდექსის 243-ე მუხლის 2<sup>1</sup> ნაწილის შესაბამისად, შეიძლება სამართალდამრღვევი მიიყვანოს პოლიციაში სახელის, გვარისა და საცხოვრებელი მისამართის დადგენის მიზნით. აღნიშნული მონაცემების დადგენის შემდეგ, საჯარო მოხელე ავსებს საჯარიმო ქვითარს – ადმინისტრაციული სამართალდარღვევის ოქმს“.

## **მუხლი 2.**

დადგენილება ამოქმედდეს გამოქვეყნებისთანავე.

**ქალაქ თბილისის მუნიციპალიტეტის**

**საკრებულოს თავმჯდომარე**

**ზურაბ აბაშიძე**

**„ქალაქ თბილისის მუნიციპალიტეტის მერიის მუნიციპალურ ინსპექციაში ცალკეულ ადმინისტრაციულ სამართალდარღვევათა საქმისწარმოებისათვის დოკუმენტების ფორმების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 25 სექტემბრის №28-96 დადგენილებაში ცვლილების შეტანის შესახებ“  
ქალაქ თბილისის მუნიციპალიტეტის საკრებულოს დადგენილების პროექტის განმარტებითი ბარათი**

**ა.ა) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზეზი:**

2024 წლის 29 დეკემბერს საქართველოს ადმინისტრაციულ სამართალდარღვევათა კოდექსში (შემდგომში - კოდექსი) განხორციელებული ცვლილებების (კანონი №169-III-XIმპ, სარეგისტრაციო კოდი: 0200000000.05.001.102437) შედეგად, კოდექსის 209<sup>3</sup> მუხლის პირველი ნაწილის შესაბამისად, მუნიციპალიტეტის წარმომადგენლობით ორგანოს მიენიჭა უფლებამოსილება განსაზღვროს მუნიციპალიტეტის მერიის შესაბამისი სტრუქტურული ერთეული ან უფლებამოსილი პირი, რომელიც განიხილავს კოდექსის 166<sup>2</sup> მუხლის პირველი ნაწილით გათვალისწინებულ ადმინისტრაციულ სამართალდარღვევათა საქმეებს.

ზემოაღნიშნული ცვლილების გათვალისწინებით, აუცილებელი გახდა „ქალაქ თბილისის მუნიციპალიტეტის მერიის მუნიციპალურ ინსპექციაში ცალკეულ ადმინისტრაციულ სამართალდარღვევათა საქმისწარმოებისათვის დოკუმენტების ფორმების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 25 სექტემბრის №28-96 დადგენილების კანონმდებლობასთან შესაბამისობაში მოყვანა.

**ა.ბ) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზანი:**

დღეის მდგომარეობით მნიშვნელოვან პრობლემას წარმოადგენს დედაქალაქის ადმინისტრაციულ საზღვრებში ვანდალიზმის შემთხვევების ზრდა, კერძოდ: მოედანზე, გზაზე, პარკში, სკვერში, მიწისქვეშა გადასასვლელში განთავსებული ინფრასტრუქტურისა და ინვენტარის, საზოგადოებრივი სარგებლობისთვის განკუთვნილი სხვა ობიექტის (მათ შორის, საგზაო ნიშნის, შუქნიშნის, გარესამეთვალყურეო კამერის) განზრახ დაზიანება ან განადგურება, აგრეთვე საზოგადოებრივი ტრანსპორტის ან მასში არსებული ინვენტარის განზრახ დაზიანება ან განადგურება.

პროექტის მიზანია, ქალაქ თბილისის მუნიციპალიტეტის მერიის მუნიციპალურ ინსპექციას მიენიჭოს სამართლებრივი საფუძველი კოდექსის 166<sup>2</sup> მუხლით გათვალისწინებულ სამართალდარღვევებზე რეაგირებისა და შესაბამისი ადმინისტრაციული საქმისწარმოების განხორციელებისათვის.

**ა.გ) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) ძირითადი არსი:**

წარმოდგენილი პროექტით, №28-96 დადგენილებას (მათ შორის, დანართის სახით დამტკიცებულ საჯარიმო ქვითრის – ადმინისტრაციული სამართალდარღვევის ოქმის ფორმის, მისი შევსების, ჩაბარების, წარმოებისა და აღრიცხვა-ანგარიშგების წესს) ემატება კოდექსის 166<sup>2</sup> მუხლი – ვანდალიზმი და აღნიშნული მუხლით გათვალისწინებულ

დარღვევებზე რეაგირებას მოახდენს ქალაქ თბილისის მუნიციპალიტეტის მერიის მუნიციპალური ინსპექცია.

**ბ) პროექტის მიღებით გამოწვეული საფინანსო ეკონომიკური შედეგების გაანგარიშება:**

პროექტის მიღება არ გამოიწვევს დამატებითი თანხების გამოყოფას ბიუჯეტიდან.

**გ) ბავშვის უფლებრივ მდგომარეობაზე ზეგავლენის შეფასება, რასაც გამოიწვევს პროექტის მიღება (გამოცემა):**

დადგენილების ამოქმედება არ მოახდენს ზეგავლენას ბავშვთა უფლებრივ მდგომარეობაზე.

**დ) ქალისა და მამაკაცის თანასწორობის მდგომარეობაზე კანონქვემდებარე ნორმატიული აქტის პროექტის მოსალოდნელი ზეგავლენის შეფასება**

პროექტის ინიციატორის მოსაზრებით, პროექტი არ ახდენს ზეგავლენას ქალისა და მამაკაცის თანასწორობის მდგომარეობაზე.

**ე) პროექტის ავტორი:**

პროექტის ავტორია ქალაქ თბილისის მუნიციპალიტეტის მერია.

**ვ) პროექტის წარმდგენი:**

პროექტის წარმდგენია ქალაქ თბილისის მუნიციპალიტეტის მერი.

ქალაქ თბილისის მუნიციპალიტეტის საკრებულოს  
დადგენილება № \_\_\_\_  
2026 წლის \_\_\_\_  
ქ. თბილისი

„ქალაქ თბილისის მუნიციპალიტეტის მერიის მუნიციპალური ინსპექციის დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 15 აპრილის №54-30 დადგენილებაში ცვლილების შეტანის შესახებ

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 პუნქტისა და „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის საფუძველზე,

**ქალაქ თბილისის მუნიციპალიტეტის საკრებულო ადგენს:**

**მუხლი 1.**

შევიდეს ცვლილება „ქალაქ თბილისის მუნიციპალიტეტის მერიის მუნიციპალური ინსპექციის დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 15 აპრილის №54-30 დადგენილებაში (ვებგვერდი, [www.matsne.gov.ge](http://www.matsne.gov.ge), 16/04/2025 სარეგისტრაციო კოდი: 010250050.35.101.017317) და დადგენილების პირველი მუხლით დამტკიცებული „ქალაქ თბილისის მუნიციპალიტეტის მერიის მუნიციპალური ინსპექციის დებულების“:

**ა) პირველი მუხლის პირველი პუნქტი ჩამოყალიბდეს შემდეგი რედაქციით:**

„1. ქალაქ თბილისის მუნიციპალიტეტის მერიის მუნიციპალური ინსპექცია (შემდგომში – მუნიციპალური ინსპექცია) წარმოადგენს ქალაქ თბილისის მუნიციპალიტეტის (შემდგომში – თბილისი) მერიის სტრუქტურულ ერთეულს, რომელიც საქართველოს კანონმდებლობითა და ამ დებულებით დადგენილი წესით ახორციელებს თბილისის ტერიტორიაზე მშენებლობის, ქალაქის იერსახის, რეკლამის, აბრის, ვანდალიზმის, გარე ვაჭრობის, ნარჩენებით ქალაქის დანაგვიანების, გარემოსა და ბუნებრივი რესურსების დაცვის, აკუსტიკური ხმაურისა და პიროტექნიკური ნაკეთობის გამოყენებაზე ინსპექტირებას.“

**ბ) დებულების მე-2 მუხლის მე-2 პუნქტის „გ“ ქვეპუნქტის შემდეგ დაემატოს „გ<sup>1</sup>“ ქვეპუნქტი:**

„გ<sup>1</sup>) ვანდალიზმის ფაქტების გამოვლენა და კონტროლი;“;

**გ) დებულების მე-3 მუხლის პირველი პუნქტის „გ“ ქვეპუნქტი ჩამოყალიბდეს შემდეგი რედაქციით:**

„გ) აწარმოოს კონტროლი მუნიციპალიტეტის ადმინისტრაციულ საზღვრებში არსებული ტერიტორიის იერსახის დამახინჯებაზე, რეკლამის, აბრის, ვანდალიზმის, აკუსტიკური ხმაურის, არასათანადო რეკლამის განთავსებაზე (გავრცელებაზე), აზარტული თამაშობის, ტოტალიზატორის, ლოტოს, ბინგოს, აზარტული თამაშობის ორგანიზატორის, ლოტოს ორგანიზატორის და ბინგოს ორგანიზატორის რეკლამის გავრცელებაზე ან/და აბრის განთავსების დარღვევის ფაქტების გამოვლენაზე, ქალაქ თბილისის მუნიციპალიტეტის

ადმინისტრაციულ საზღვრებში სახელმწიფო ან მუნიციპალიტეტის საკუთრებაში არსებული მიწის ნაკვეთების უნებართვოდ დაკავებაზე (სარგებლობაზე), ამტვერებადი მასალის სველი მეთოდის გარეშე დამუშავებაზე, მშენებარე კონსტრუქციის ღია სივრცეში ამტვერებადი მასალის შეფუთვის გარეშე განთავსებაზე, ამტვერებადი მასალის ტრანსპორტირების, ბეტონშიდი მანქანის გადაადგილებისას ამ მანქანიდან ბეტონის გზის სავალ ნაწილზე დაღვრისა და სამშენებლო მოედანზე შეუფუთავი ამტვერებადი მასალის ან/და არასათანადოდ შეფუთული ამტვერებადი მასალის განთავსებაზე, კონსტრუქციების ან/და სამშენებლო მასალების დაყრაზე, პიროტექნიკური ნაკეთობის გამოყენების/წარმოების/რეალიზაციის ნებართვის ან/და ლიცენზიის გარეშე, ასევე შეძენის, ფლობისა და გამოყენების წესების დარღვევებზე, პიროტექნიკური ნაკეთობის გამოყენების, საზოგადოებრივი ადგილებით სარგებლობის შეზღუდვაზე, გარე ვაჭრობაზე, მწვანე ნარგავების დაზიანებაზე ან/და თვითნებური განადგურების ფაქტზე, პლასტიკისა ან/და ბიოდეგრადირებადი პარკების დადგენილი წესით რეალიზაციაზე, მეორეული საბურავების, შავი და ფერადი ლითონების ჯართის, ექსპლუატაციიდან გამოსული სატრანსპორტო საშუალებებისა და მათი ნაწილების, ადვილად აალებადი, ფეთქებადი ან ამტვერებადი მასალის განთავსების წესის ან/და რეალიზაციის წესის დარღვევაზე, სამშენებლო, სარემონტო და საავარიო სამუშაოების წარმოების წესებსა და ნარჩენებით ქალაქის დანაგვიანებაზე;“;

**დ) დებულების მე-6 მუხლის მე-5 პუნქტს „ა.ა“ ქვეპუნქტის შემდეგ დაემატოს „ა.ა“ ქვეპუნქტი:**

„ა.ა<sup>1</sup>) ახორციელებს მოედანზე, გზაზე, პარკში, სკვერში, მიწისქვეშა გადასასვლელში განთავსებული ინფრასტრუქტურის/ინვენტარის, საზოგადოებრივი სარგებლობისთვის განკუთვნილი სხვა ობიექტის, მათ შორის, საგზაო ნიშნის, შუქნიშნის, გარესამეთვალყურეო კამერის, განზრახ დაზიანების ან განადგურების, საზოგადოებრივი ტრანსპორტის განზრახ დაზიანების ან საზოგადოებრივ ტრანსპორტში არსებული ინვენტარის განზრახ დაზიანების ან განადგურების (ვანდალიზმის) ფაქტების გამოვლენას და დამრღვევი პირ(ებ)ის მიმართ ატარებს კანონით დადგენილ ღონისძიებებს;“.

## **მუხლი 2.**

დადგენილება ამოქმედდეს გამოქვეყნებისთანავე.

ქალაქ თბილისის მუნიციპალიტეტის  
საკრებულოს თავმჯდომარე

ზურაბ აბაშიძე

**„ქალაქ თბილისის მუნიციპალიტეტის მერიის მუნიციპალური ინსპექციის  
დებულების დამტკიცების შესახებ“ ქალაქ თბილისის მუნიციპალიტეტის საკრებულოს  
2025 წლის 15 აპრილის N54-30 დადგენილებაში ცვლილების შეტანის შესახებ“  
ქალაქ თბილისის მუნიციპალიტეტის საკრებულოს დადგენილების პროექტის განმარტებითი  
ბარათი**

**ა.ა) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზეზი:**

„ქალაქ თბილისის მუნიციპალიტეტის მერიის მუნიციპალური ინსპექციის დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 15 აპრილის N54-30 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტი) მიღება განპირობებულია საქართველოს კანონის „საქართველოს ადმინისტრაციულ სამართალდარღვევათა კოდექსში ცვლილების შეტანის შესახებ“ (გამოქვეყნებულია ვებგვერდზე [www.matsne.gov.ge](http://www.matsne.gov.ge), 29.12.2024, სარეგისტრაციო კოდი: 020000000.05.001.102437) ამოქმედებით (შემდგომში - კოდექსი). კერძოდ, კოდექსის 209<sup>3</sup> მუხლის პირველი ნაწილის შესაბამისად, მუნიციპალიტეტის წარმომადგენლობითი ორგანოს მიერ განსაზღვრულ მუნიციპალიტეტის მერიის სტრუქტურულ ერთეულს ან მუნიციპალიტეტის წარმომადგენლობითი ორგანოს მიერ უფლებამოსილ ფიზიკურ ან იურიდიულ პირს მიენიჭა კოდექსის 166<sup>2</sup> მუხლის პირველი ნაწილით გათვალისწინებულ ადმინისტრაციულ სამართალდარღვევათა საქმის (ვანდალიზმი) განხილვის უფლებამოსილება.

„ქალაქ თბილისის მუნიციპალიტეტის მერიის მუნიციპალური ინსპექციაში ცალკეულ ადმინისტრაციულ სამართალდარღვევათა საქმისწარმოებისათვის დოკუმენტების ფორმების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 25 სექტემბრის N<sup>28-96</sup> დადგენილების შესაბამისად, ამ კომპეტენციას ახორციელებს ქალაქ თბილისის მუნიციპალიტეტის მერიის მუნიციპალური ინსპექცია. ამიტომ, აღნიშნული ცვლილების ეფექტიანად განხორციელებისთვის აუცილებელია ქალაქ თბილისის მუნიციპალიტეტის მერიის მუნიციპალური ინსპექციის დებულებაში შესაბამისი ცვლილებების შეტანა.

**ა.ბ) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზანი:**

დღეის მდგომარეობით მნიშვნელოვან პრობლემას წარმოადგენს დედაქალაქის ადმინისტრაციულ საზღვრებში ვანდალიზმის ფაქტების მომეტებული რაოდენობა, კერძოდ მოედანზე, გზაზე, პარკში, სკვერში, მიწისქვეშა გადასასვლელში განთავსებული ინფრასტრუქტურის/ინვენტარის, საზოგადოებრივი სარგებლობისთვის განკუთვნილი სხვა ობიექტის, მათ შორის, საგზაო ნიშნის, შუქნიშნის, გარესამეთვალყურეო კამერის, განზრახ დაზიანება ან განადგურება, საზოგადოებრივი ტრანსპორტის განზრახ დაზიანება ან საზოგადოებრივ ტრანსპორტში არსებული ინვენტარის განზრახ დაზიანება ან განადგურება.

წარმოდგენილი ცვლილების შედეგად, ქალაქ თბილისის მუნიციპალიტეტის მერიის მუნიციპალური ინსპექცია მიიღებს სამართლებრივ საფუძველს იმ სამართალდარღვევებზე რეაგირებისთვის, რომლებიც განსაზღვრულია კოდექსის 166<sup>2</sup> მუხლით.

**ა.გ) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) ძირითადი არსი:**

პროექტის თანახმად, ცვლილება შედის ქალაქ თბილისის მუნიციპალიტეტის მერიის მუნიციპალური ინსპექციის (შემდგომში - მუნიციპალური ინსპექცია) დებულების:

**ა) პირველი მუხლის პირველი პუნქტი ჩამოყალიბდეს შემდეგი რედაქციით:**

„1. ქალაქ თბილისის მუნიციპალიტეტის მერიის მუნიციპალური ინსპექცია (შემდგომში – მუნიციპალური ინსპექცია) წარმოადგენს ქალაქ თბილისის მუნიციპალიტეტის (შემდგომში – თბილისი) მერიის სტრუქტურულ ერთეულს, რომელიც საქართველოს კანონმდებლობითა და ამ დებულებით დადგენილი წესით ახორციელებს თბილისის ტერიტორიაზე მშენებლობის, ქალაქის იერსახის, რეკლამის, აბრის, ვანდალიზმის, გარე ვაჭრობის, ნარჩენებით ქალაქის დანაგვიანების, გარემოსა და ბუნებრივი რესურსების დაცვის, აკუსტიკური ხმაურისა და პიროტექნიკური ნაკეთობის გამოყენებაზე ინსპექტირებას.“

**ბ) დებულების მე-2 მუხლის მე-2 პუნქტის „გ“ ქვეპუნქტის შემდეგ დაემატოს „გ<sup>1</sup>“ ქვეპუნქტი:**

„გ<sup>1</sup>) ვანდალიზმის ფაქტების გამოვლენა და კონტროლი;“;

**გ) დებულების მე-3 მუხლის პირველი პუნქტის „გ“ ქვეპუნქტი ჩამოყალიბდეს შემდეგი რედაქციით:**

„გ) აწარმოოს კონტროლი მუნიციპალიტეტის ადმინისტრაციულ საზღვრებში არსებული ტერიტორიის იერსახის დამახინჯებაზე, რეკლამის, აბრის, ვანდალიზმის, აკუსტიკური ხმაურის, არასათანადო რეკლამის განთავსებაზე (გავრცელებაზე), აზარტული თამაშობის, ტოტალიზატორის, ლოტოს, ბინგოს, აზარტული თამაშობის ორგანიზატორის, ლოტოს ორგანიზატორის და ბინგოს ორგანიზატორის რეკლამის გავრცელებაზე ან/და აბრის განთავსების დარღვევის ფაქტების გამოვლენაზე, ქალაქ თბილისის მუნიციპალიტეტის ადმინისტრაციულ საზღვრებში სახელმწიფო ან მუნიციპალიტეტის საკუთრებაში არსებული მიწის ნაკვეთების უნებართვოდ დაკავებაზე (სარგებლობაზე), ამტვერებადი მასალის სველი მეთოდის გარეშე დამუშავებაზე, მშენებარე კონსტრუქციის ღია სივრცეში ამტვერებადი მასალის შეფუთვის გარეშე განთავსებაზე, ამტვერებადი მასალის ტრანსპორტირების, ბეტონშიდი მანქანის გადაადგილებისას ამ მანქანიდან ბეტონის გზის სავალ ნაწილზე დაღვრისა და სამშენებლო მოედანზე შეუფუთავი ამტვერებადი მასალის ან/და არასათანადოდ შეფუთული ამტვერებადი მასალის განთავსებაზე, კონსტრუქციების ან/და სამშენებლო მასალების დაყრაზე, პიროტექნიკური ნაკეთობის გამოყენების/წარმოების/რეალიზაციის ნებართვის ან/და ლიცენზიის გარეშე, ასევე შეძენის, ფლობისა და გამოყენების წესების დარღვევებზე, პიროტექნიკური ნაკეთობის გამოყენების, საზოგადოებრივი ადგილებით სარგებლობის შეზღუდვაზე, გარე ვაჭრობაზე, მწვანე ნარგავების დაზიანებაზე ან/და თვითნებური განადგურების ფაქტზე, პლასტიკისა ან/და ბიოდეგრადირებადი პარკების დადგენილი წესით რეალიზაციაზე, მეორეული საბურავების,

შავი და ფერადი ლითონების ჯართის, ექსპლუატაციიდან გამოსული სატრანსპორტო საშუალებებისა და მათი ნაწილების, ადვილად აალებადი, ფეთქებადი ან ამტვერებადი მასალის განთავსების წესის ან/და რეალიზაციის წესის დარღვევაზე, სამშენებლო, სარემონტო და საავარიო სამუშაოების წარმოების წესებსა და ნარჩენებით ქალაქის დანაგვიანებაზე;“;

**დ) დებულების მე-6 მუხლის მე-5 პუნქტს „ა.ა“ ქვეპუნქტის შემდეგ დაემატოს „ა.ა“ ქვეპუნქტი:**

„ა.ა<sup>1</sup>) ახორციელებს მოედანზე, გზაზე, პარკში, სკვერში, მიწისქვეშა გადასასვლელში განთავსებული ინფრასტრუქტურის/ინვენტარის, საზოგადოებრივი სარგებლობისთვის განკუთვნილი სხვა ობიექტის, მათ შორის, საგზაო ნიშნის, შუქნიშნის, გარესამეთვალყურეო კამერის, განზრახ დაზიანების ან განადგურების, საზოგადოებრივი ტრანსპორტის განზრახ დაზიანების ან საზოგადოებრივ ტრანსპორტში არსებული ინვენტარის განზრახ დაზიანების ან განადგურების (ვანდალიზმის) ფაქტების გამოვლენას და დამრღვევი პირ(ებ)ის მიმართ ატარებს კანონით დადგენილ ღონისძიებებს;“.

აღნიშნული ცვლილებები უზრუნველყოფს კოდექსის 166<sup>2</sup> მუხლით გათვალისწინებული სამართალდარღვევების აღკვეთას და კონტროლს მუნიციპალური ინსპექციის მიერ.

**ბ) პროექტის მიღებით გამოწვეული საფინანსო ეკონომიკური შედეგების გაანგარიშება:**  
პროექტის მიღება არ გამოიწვევს დამატებითი თანხების გამოყოფას ბიუჯეტიდან.

**გ) ბავშვის უფლებრივ მდგომარეობაზე ზეგავლენის შეფასება, რასაც გამოიწვევს პროექტის მიღება (გამოცემა):**

დადგენილების ამოქმედება არ მოახდენს ზეგავლენას ბავშვთა უფლებრივ მდგომარეობაზე.

**დ) ქალისა და მამაკაცის თანასწორობის მდგომარეობაზე კანონქვემდებარე ნორმატიული აქტის პროექტის მოსალოდნელი ზეგავლენის შეფასება:**

პროექტის ინიციატორის მოსაზრებით, პროექტი არ ახდენს ზეგავლენას ქალისა და მამაკაცის თანასწორობის მდგომარეობაზე.

**ე) პროექტის ავტორი:**

პროექტის ავტორია ქალაქ თბილისის მუნიციპალიტეტის მერია.

**ვ) პროექტის წარმდგენი:**

პროექტის წარმდგენია ქალაქ თბილისის მუნიციპალიტეტის მერი.